

壽  
櫟  
廬  
儀  
禮  
大  
固  
禮  
器  
圖

儀禮燕固禮器圖第十六

壽櫟廬叢書之二

名山吳之英說

少牢饋食禮圖

少牢饋食吉禮也。大宗伯以吉禮事邦國之鬼神，示饋食四時祭皆屬焉。此則土除喪吉祭也。鄭玄以爲諸侯之卿大夫祭其祖禰之禮，意天子之卿大夫用太牢，然曲禮記之言祭曰：天子以犧牛，諸侯以肥牛，大夫以索牛，士以羊豕，豕豕少牢也，而不別畿內侯國，鄭以犧爲純色，肥養于滌，索謂求得不訓，豕亦自知其失義也。夫禮體也，制如人體，以示分岐體分果明等別，斯在故一禮有一禮之體，其不可通則不通，冕旒之等，奏食之節是也，其可通則通。

天子亦服皮弁士昏亦乘墨車是也鄭于士禮之同大夫者皆謂攝盛聖人制禮本欲節之禮果不可尙許攝乎諸侯之士如不得用少牢士喪禮固不言天子之士而遺奠用少牢何也聘禮明爲諸侯之士夫人歸士介禮皆少牢君餼士介皆太牢又何也果聖人許之攝耶則直禮矣篇次特牲而日用丁巳主婦不視餽饗尸十一飯蕞無祝有嘏有賓尸皆優于特牲今釋爲士除喪後吉祭



所以熟牲魚腊經云雍人櫛鼎匕俎于雍饗雍饗在門東南北上周官天官內雍掌王及后世于膳羞之割亨煎和之事辨體名肉物辨百品味之物外雍掌外祭祀之割亨共其肺

脩形應陳其鼎俎實之牲體魚腊故稱雍饗亦如虞之有側亨  
魚腊饗特牲記之有牲饗魚腊饗也特虔側亨在廟門外之右  
特牲但言在門外東方而不詳耳雍爲總名實則四饗矣



廩



羊鑊

廩饗所以熟米經云廩人概甌獻匕與敦于廩饗廩饗在雍饗  
之北廩饗則特牲饗饗周官地官有廩人  
掌九穀之數以待國之匪頒賜稍食饗  
人掌凡祭祀共盛共王及后之六食故廩  
皆可名饗饗亦作甌在雍饗北者純吉之  
祭饗皆在門東與特牲饗饗在東壁異  
經云雍人陳鼎五三鼎在羊鑊之西二鼎  
在羊鑊之西周官亨人掌共鼎鑊則鑊鼎屬也制蓋如鼎有蓋

有耳而無足宜置于爨以熟肉凡雍爨皆有焉猶廩爨之有釜也  
也許慎云鑊鑊也鑊謂刻之有飾也羊鑊制小牲體小

豕鑊




料



豕鑊大于羊鑊以牲體大別日之或飾文本異經云司宮設罍水于洗東有料鄭玄云罍水器凡設水用罍沃盥用料禮在此也喪大記云浴水用盆沃水用料鄭據文爲義也說文云料勺也构下云斗柄也則料亦勺類不過挹酒謂勺以制小名挹水謂料以制大名許慎以斗柄訓构故北斗七星之柄名构蓋古人審用以制器因器以名星爲斗能運物柄能運斗耳

錫衣



經云主婦被錫衣侈袂薦自東房  
錫衣謂外博爲緣而內有淺緣如  
條者盡飾焉純吉也故變于特牲  
時之宵衣錫衣士妻尊服比朝服  
鄭玄云被錫讀爲髮髻古者或剔  
賤者刑者之髮以被婦人之紛爲  
飾因名髮髻周禮所謂次也不纏并者大夫妻尊亦衣緇衣  
而侈其袂蓋半士妻之袂以益之衣三尺三寸袪尺八寸攷  
周官天官內司服掌王后六服禕衣揄狄闕狄鞠衣展衣緣  
衣素沙鄭眾謂禕衣畫衣揄狄闕狄畫羽飾展衣白衣引喪  
大記復夫人屈狄世婦禮衣謂屈聲近闕禮展相似鞠衣黃

衣鄭玄謂狄當爲翟后服刻繪畫采禕衣畫爾雅所謂素質五采之翬揄狄畫青質五采之搖闕狄刻而不畫从祭先王服禕从祀先公服揄从祀羣小祀服闕鞠衣黃桑服展衣以禮見王及賓客之服又據襍記夫人服櫛衣揄狄喪大記士妻以緣衣謂字作稅作祿皆謂緣衣御于王之服亦以燕居男子祿衣黑則緣衣亦黑次其色則闕赤揄青禕玄婦人一德無兼連衣裳不異色素沙今白縛六服皆袍制以白縛爲裏司服又云辨內外命婦之服鞠衣展衣緣衣素沙鄭玄謂內命婦九嬪鞠衣世婦展衣女御緣衣外命婦孤妻鞠衣卿大夫妻展衣士妻緣衣英謂三夫人及公之夫人自揄狄以下九嬪及侯伯夫人自闕狄以下世婦及子男夫人自鞠衣

以下皆如后服孤妻視子男夫人亦鞠衣大夫妻展衣士妻  
緣衣司服目內外命婦服斷自鞠衣者據臣之命婦言子男  
雖亦君而夫人服與孤妻同若以爲自孤妻始例然也六服  
無錫衣亦並無綃宵衣知禮服異等者繁司服不能備載也  
鄭意以經無纒笄文被錫與髮髻聲近因以爲假借之文但  
特牲言纒笄以初卽吉標之旣吉則从同故没之經云被錫  
衣被爲服名錫爲衣名甚顯今以被錫爲句衣侈袂爲句無  
論被錫解迂卽所謂衣侈袂亦不知何衣矣鄭亦知當出衣  
名而曰大夫妻尊亦衣綃衣而侈其袂旣曰尊矣安得仍同  
特牲士妻之服若云尊在侈袂耶經云主婦贊者一人亦被  
錫衣侈袂如鄭說則贊者亦髮髻侈袂耳大夫妻又何以表



傳禮記卷之二十一  
四  
尊其意必以少牢爲大夫祭禮故曲爲樹義又嫌錫爲十五  
升抽半之衰非古故不爲衣名然說文云錫細布詩小雅載  
衣之錫傳云襪也則固吉衣旣夕記云明衣裳縹緝襪鄭以  
爲飾裳在幅曰緝在下曰緝何獨于此作驚且錫通緝緝通  
施昏禮主人爵弁纁裳緇施鄭訓爲緣何于襪而自蔽也蓋  
純內加纁之名或縹或緋皆可錫之外仍緇純侈袂者不若  
特牲之儉制也常袂約尺侈蓋二尺鄭謂衣三尺三寸袪尺  
八寸者自據內司服注士妻謂袂二尺二寸袪尺二寸故以  
三分益一加之也

經云主婦自東房執一金敦黍有蓋坐設于羊俎之南稱金  
殆以金飾足口腹蓋間別于眾敦之有飾無金者爲尸將食

金敦 瓦豆



此敦黍異之經言敦皆南首首謂面約彫蓋上腹間爲禽獸首以識之

經云上佐食羞蔽兩瓦豆有醢亦用瓦豆設于薦豆之北爾雅釋器云瓦豆謂之登攷工旅人記云豆實三而成穀崇尺鄭玄謂豆實四升稱瓦者示別木豆不嫌質者不能不用陶器加

飾焉則華矣

傅守中校勘

弟子羅紹驥繪圖

王用賓

再校

壽櫟廬第三子吳 鋌

儀禮黃固禮器圖第十六終

儀禮喪圖禮器圖第十七

壽櫟廬叢書之二

名山吳之英謨

有司徹禮圖

有司徹祭後賓尸之禮義主勞尸與鄉飲酒明日息司  
正同意爾雅釋祭名云釋又祭也周曰釋商曰彤夏曰  
復昨詩頌絲衣序云釋賓尸高子曰靈星之尸皆其類  
也主人主婦獻尸侑上賓獻尸同祭法而無祝侑副尸  
如介尸酌主人主婦若酢三獻畢主人酬尸畢獻二人  
媵尸侑尸酬主人主人酬侑遂之于下後生舉解于長  
賓長獻尸賓一人舉爵于尸皆行酬同賓禮不以再祭  
名爲近瀆不以賓尸名重在祭曰有司徹則知爲祭後餘

事爾

經云俎皆西縮覆二疏匕于其上皆縮俎西枋至尸祭白黑  
後云雍人投次賓疏匕與俎受于  
鼎西左手執俎左廉縮之卻右手  
執匕柄縮于俎上以東面受于羊  
鼎之西司馬在羊鼎之東二手執

匕疏



桃匕枋以挹酒注于疏匕者三至尸祭肺後云次賓縮執匕  
俎以升若是以授尸尸卻手受匕枋坐祭嚼之興覆手以授  
賓賓亦覆手以受縮匕于俎上以降皆謂羊匕酒不言羊少  
牢以羊爲正也其後尸酢主人次賓羞主人匕酒如尸禮主  
婦獻尸次賓羞豕匕酒如羊匕酒之禮主婦酌致主人受豕

匕涪如尸禮侑與主婦皆無匕涪凡言匕涪者有羊肉涪無  
匕涪者亦無羊匕涪豕肉涪也豕匕涪亦次賓羞羞如匕涪  
羊肉涪司馬羞之縮奠羊俎南載于羊俎縮執俎以降無匕  
也疏匕者疏鏤匕柄爲文能受桃匕注涪三則深于桃匕尸  
以祭嚙知短柄宜舉少牢不言疏則亦疏也


桃匕



入鼎挹涪之匕曰桃匕鄭玄云桃  
謂之欵讀如或春或抗之抗字或  
作桃者秦人語也此二柄者皆有  
淺深狀如飯糝桃長柄可以扞物  
于器中者今文桃作抗蓋抗形似桃故古文蠹簡誤桃許慎  
云抗深擊也讀若告言不正曰抗蓋古文作挑从手故近抗

今作桃从木傳刻之誤扱匕枋長可以深入扱涪假深擊之義名之作扱是已司馬執枋扱注疏匕長于疏匕柄可知雖以長枋名實匕枋亦刻吉器無不飾者也

席 匪



經云卒慕有司徹饋饌于室中西北隅南面如饋之設右几匪用席納一尊于室中文在若不賓尸後以不賓尸爲簡故亦如特牲之饌于西北隅右几變于特牲之几在

南特牲非純吉猶因虞祭之徹設耳几鄉東席由西上冒徹南北闕東稱席變特牲之稱爲純吉矣吉席質緝有文不嫌名同虞禮蓋禮以相形爲變相變而等差明所謂貴賤不嫌

同號美惡不嫌同辭者也

傅守中校勘

弟子羅紹驥繪圖

王用賓

壽棟廬第三子吳鋌

再校



儀禮疏固禮器圖第十七終

儀禮喪固禮器圖末篇上

壽傑廬叢書之二一

名山吳之英謨

周政三圖

學者每稱封建井田學校以爲古之要政英謂禮有覲有聘  
封建之見耑也士相見稱宅者有在邦在野之別井田之見  
耑也鄉射稱豫鉤楹內堂由楹外記又云序物當棟堂物當  
楹學校之見耑也古禮三十九篇云亡未有專篇據周官小  
戴記成周政三圖附喪固圖後備說禮者攷焉

封建圖

易豫卦曰利建侯比象曰先王以建萬國親諸侯上古不備  
五爵受封地者皆曰侯山海經稱黃帝征蚩尤蚩尤亦古諸

侯也自帝子得姓辯土降居乃有同異姓之封而堯以唐侯入嗣其時厥有牧伯之名虞舜受禪輯羣瑞觀而班之巡於方岳別五禮五器之修五爵所託始也夏后氏塗山之會左氏以爲玉帛萬國殷人作式九圍頌辭美小球大球小共大共之受周法先代同異姓之封最蕃春秋不具列不能攷也受封地域之大小周官有其說焉作封建七圖

地官大司徒掌建邦土地之圖周知地域廣輪之數辨其山林川澤丘陵墳衍遺隰之名物夏官山師川師遺師頒之卽職方氏揚荊豫青兗雍幽冀并九州之本籍也乃土其地則土方氏以土圭之法測之形方氏制之冬官匠人水地以縣置槩以縣以正之取天子宮隅之制七雉以爲諸侯城制環

涂七軌以爲諸侯經涂而城郭奠焉司徒又制其畿疆而溝封之設其墻而樹之田主各以其野之所宜木遂以名其社與野而社稷立焉則職方氏侯甸男采衛蠻夸鎮藩九服之所嘗分也于是天官大宰詔王以八柄馭羣臣馭其貴富則諸侯有受封之典春官巾車云金路以封同姓象路以封異姓革路以封四衛木路以封蕃國其封也以命爲等以公侯伯子男爲之號宗伯九儀之命秋官大行人所辨命與號具見焉受封者就其國大宰爲建其牧立其監設其參傳其伍陳其殷置其輔使上下一體相屬也諸侯治其國皆用王國法受于司徒退而頒之按而稽之歲時書而上之其來見於王宗伯所分春朝夏宗秋覲冬遇是也其更來有楨大行人

所謂侯一歲甸二歲男三歲采四歲衛五歲要六歲藩國世至也其所以自盡于天子者侯貢祀物甸貢嬪物男貢器物采貢服物衛貢材物要貢貨物藩國摯以其所貴寶也其諸邦自爲交好則時有會殷有同也歲相問殷相聘世相朝也此諸侯立國之大體也

王之所以治諸侯者令天官大宰以六典待之春官大宗伯以凶禮哀之以賓禮賓之以軍禮同之以嘉禮親之夏官大司馬以九法平之懷方氏致貢物遠物合方氏達天下之道路訓方氏道四方之政事匡人觀邦國之惡擇人誦王志巡邦國而語之秋官小行人山國用虎節土國用人節澤國用龍節達之以六幣合六物味好之大行人歲徧存三歲徧類

五歲徧省七歲屬象胥諭言語協辭命九歲屬瞽史諭書名聽聲音十有一歲達瑞節同度量成牢禮同數器修法則十有二歲王巡守殷國天子所以馭諸侯之法也

九

幽州 青州 揚州

夏官職方氏掌天下之圖周知

利害辨九州之國使同貫利東

南曰揚州其山鎮曰會稽其澤

藪曰具區其川三江其浸五湖

正南曰荊州其山鎮曰衡山其

澤藪曰雲夢其川江漢其浸潁

圖

州 并州 冀州 荊州


兗州 雍州 豫州

湛河南曰豫州其山鎮曰華山其澤藪曰圃田其川滎雒其浸波澨正東曰青州其山鎮曰沂山其澤藪曰望諸其川淮

泗其浸沂沭河東曰兗州其山鎮曰岱山其澤藪曰大野其  
川河沛其浸廬維正西曰雍州其山鎮曰嶽山其澤藪曰弦  
蒲其川涇汭其浸渭洛東北曰幽州其山鎮曰醫無閭其澤  
藪曰獫狁其川河沛其浸菑時河內曰冀州其山鎮曰霍山  
其澤藪曰揚紆其川漳其浸汾潞正北曰并州其山鎮曰恒  
山其澤藪曰昭餘祁其川虜池嘸夸其浸涑易蓋周制九州  
因禹貢也其同名者揚荊豫兗雍青冀七州以青并徐置幽  
在青北并在冀北而雍豫兼梁地蓋夏地偏西南周拓東北  
矣爾雅釋九州又去青稱徐名并州爲營州其同者有冀豫  
雍荊揚幽兗七州要據山水爲界則非正方以其地域不可  
計里分畫也仍方圖之

職方氏云乃辨九服之邦國方千里曰王畿其外方五百里

### 九服圖



服距王畿四千里南北相距九千里并王畿萬里東西

曰侯服又其外方五百里

曰甸服又其外方五百里

曰男服又其外方五百里

曰采服又其外方五百里

曰衛服又其外方五百里

曰蠻服又其外方五百里

曰夷服又其外方五百里

曰鎮服又其外方五百里


曰藩服九服各五百里藩



如之蓋沿禹貢甸侯綏要荒五服皆相距五百里爲法也禹  
貢甸服卽畿以首標甸服無畿名又納總程秭秭服粟米由百  
里而差知之然則畿外方各二千里南北長四千里東西如  
之并王畿五千里周九服方踰禹貢二千五百里南北共踰  
五千里東西如之夏制爲隘矣夫千里開方三代所共詩商  
頌云邦畿千里知畿外亦必以五百里爲差蓋殷地有辟仍  
用夏法周因殷法逾恢張爾秋官大行人云侯服歲一見貢  
祀物甸服二歲一見貢嬪物男服三歲一見貢器物采服四  
歲一見貢服物衛服五歲一見貢材物要服六歲一見貢貨  
物以要服玆蠻夷鎮藩四服又云九州之外謂之藩國世一  
見各以其所貴寶爲準九州之外猶言九服之外謂之藩國

者以邊服之名名之不殊敘也鄭玄訓要服爲蠻服以夷鎮藩三服爲九州之外謂蠻服以上去王城三千五百里相距七千里以封五爵夫九服并王畿萬里開方七千里非節也要者猶約也羈縻意蠻夷鎮藩校內五服則遠故約之使見與貢皆同法要故無蠻義也亦不得因訓要爲蠻而并斷其地域也且如鄭說九州之外仍在九服之中藩在邊服而取以名近內之存鎮乎蓋侯甸男采衛之名襍取禹貢甸服及甸外侯服之百里采二百里男邦三百里諸侯爲義以衛內爲親隱然示限焉故又取禹貢綏服外二百里之奮武衛爲名意衛外疏耳職方標服號歷舉之大行人貴內則自敘之賤外則綜制之非易名也

公國



大司徒云凡建邦國以土圭土其地而制其域諸公之地封疆方五百里其食者半鄭眾云土其地爲正四方其食者半公所食租稅得半其半皆附庸小國屬天子參之一者亦然鄭玄以爲均人之法其率之也公之地以一易侯伯以再易子男以三易大國貢重正之小國貢輕字之公無附庸侯附庸九同伯七同子五同男三同進則取退則歸蓋以公數已盈侯加九同乃得比公伯加比侯子加比伯男加比子數雖有等義未合也夫易地之率不可施之封國三易固無其法言其食直据公食爲文耳附庸故有兩說有封後

有功德加之者孟子所謂巡守有慶慶以地射義記所謂諸侯貢土數與於祭而君有慶數有慶而益以地者也有初封時卽有者魯頌所謂錫之山川土田附庸論語所謂顓臾先王以爲東蒙主在邦域之中者也大司徒制封域自當据受封之始何用數後加之數耶公五百里安得斷其必無附庸獨受多地功德小而當封者何所處之不及先鄭之說近雅正矣職方氏云凡封邦國千里則四公据五百里爲算也


大宗伯以九儀之命正邦國之位一命受職再命受服三命受位四命受器五命受則六命賜官七命賜國八命作牧九命作伯典命云上公九命作伯其國家公室車旗衣服禮儀皆以九爲節又云王之三公八命出封加一等然則公皆九

命也攷工記匠人營國方九里據天子立制公之國家宮室  
節以九則城度同天子蓋以七雉之高七軌之涂別之矣司  
服云公之服自袞冕而下如王之服典瑞云公執桓圭纁三  
采三就大行人云公圭纁皆九寸冕服九章建常九旂樊纁  
九就貳車九乘介九人禮九牢朝位賓主之間九十步立當  
車軹擯者五人廟中將幣三享王禮再裸而酢饗禮九獻食  
禮九舉出入五積三問三勞此其車旗衣服禮儀之等也然  
據司常云日月爲常王建大常交龍爲旂乃稱諸侯所建大  
行人通稱建常者以皆一國之尊假大名耳實非常矣

大司徒云諸侯之地封疆方四百里其食者參之一亦謂以  
其三貢天子亦有附庸約如公半封也職方氏云以千里封


侯

國



則六侯典命云侯伯七命其國家  
宮室車旗衣服禮儀皆以七爲節  
又云王之卿六命出封加一等則  
王卿出爲侯伯也公之國家宮室  
九侯伯固七矣司服云侯伯自鷩  
冕而下如公之服典瑞云侯執信圭纁三采三就大行人云  
諸侯圭纁皆七寸冕服七章建常七旒樊纓七就貳車七乘  
介七人禮七牢朝位賓主之間七十步立當前疾擯者四人  
廟中將幣三享王禮一裸而酢饗禮七獻食禮七舉出入四  
積再問再勞鄭眾云前疾謂駟馬車轅前胡下垂地者則其  
車旗衣服禮儀之等也


伯國



大司徒云諸伯之地封疆方三百里其食者參之一當亦有附庸殆減於侯矣職方氏云以千里封則七伯鄭玄謂七字誤當作十一是也據典命命數同侯亦王卿加等出封國家宮室如侯司服自鷩而下亦如侯典瑞云伯執躬圭圭纁之采就亦同侯大行人云伯執躬圭其他皆如諸侯之禮

大司徒云諸子之國封疆方二百里其食者四之一國稍小附庸不過四之一職方氏云以千里封則二十五子典命云子男五命其國家宮室車旗衣服禮儀皆以五爲節又云王

子國




之大夫四命出封加一等則王大  
夫出爲子男也侯伯之國家宮室  
節以七子男固當五矣司服云子  
男自毳冕而下如侯伯之服典瑞  
云子執穀璧纁二采再就大行人  
云諸子穀璧五寸纁藉五寸冕服五章建常五旒樊纓五就  
貳車五乘介五人禮五牢朝位賓主之間五十步立當車衡  
擯者三人廟中將幣三享王禮壹裸不酢饗禮五獻食禮五  
舉出入三積一問一勞則其車旗衣服禮儀之等也

大司徒云諸男之地封疆方百里其食者四之一爵已極地  
尤少蓋無附庸矣凡食數公最多侯伯得中子男甚簡者制



傳禮記卷之九

男 國



祿因制爵為差也食之外以制國用用足乃貢五爵同法故不為式也職方氏云以千里封則百男

據典命男命如子亦王大夫加等出封國家宮室同於子司服自毳冕而下亦同子典瑞云男執蒲璧繅之采就如子大行人亦云男執蒲璧其他皆如諸子之禮

孟子之言爵也云天子一位公一位侯一位伯一位子男同一位凡五等蓋據朝位以標爵等子男賤不殊位司士所謂大夫旅揖者也玉制記云王者之制祿爵公侯伯子男凡五等者爵固以五為目也其實不數天子於中據位則四據爵

則五據命則三皆一耳孟子之言祿也云天子之制地方千里公侯皆方百里伯七十里子男五十里凡四等不能五十里者不達於天子附於諸侯曰附庸又云周公封魯爲方百里大公封齊亦方百里皆據始封猶沿殷制言之也春秋左氏傳云昔天子之地一圻列國一同自是以衰與孟子合亦據舊制王制記云天子之田方千里公侯田方百里伯七十里子男五十里不能五十里者不合於天子附於諸侯曰附庸鄭玄以爲殷因夏爵三等之制是已明堂位記云成王以周公爲有大勳勞於天下是以封周公於曲阜地方七百里革車千乘據後加之附庸數之鄭玄亦謂加四等附庸方百里者二十四并五五二十五爲四十九開方七百里其云四

十九方七七數之是也云加四等附庸則無證之說直欲盈飾大司徒之注爾

弟子傳守中校勘

壽傑廬弟三子吳 鈺再校

儀禮疏義固禮器圖末篇上終

儀禮夷固禮器圖末篇中

書樸廬叢書之二一

名山吳之英謨

井田圖

自黃帝畫野疆里以秩趨井識卦卦辭稱改邑不改井井在  
邑也禹粥五服厥有九等田賦之制而禹貢成書故孟子云  
夏后氏五十而貢蓋以納總納種納秸服納粟納米限之則  
已盡力溝洫焉殷幅員有恢七十而助隆於夏制而未克勅  
齊周人職方乃盈萬里百晦而徹具夏殷法名徹訓通酌其  
變也而實皆爲井田夏殷已遠其詳難稽據周官司徒所職  
合致工匠人之記周法猶可觀其概也司徒掌建邦土地之  
圖制畿疆千里溝封之王城方九里城外方五百里八分其

目城內曰國中坵郭曰圍五十里曰近郊近郊以爲鄉鄉有  
六百里曰遠郊遠郊以爲遂遂如鄉二百里曰甸三百里曰  
稍四百里曰縣五百里曰都甸稍縣都以制圭田食邑自鄉  
至都皆爲井鄉遂則貢餘皆爲助井居方里里九百畝百畝  
一夫貢地則九夫夫有屋有圃三夫共屋三屋九夫屋約一  
畝奇圃約一畝奇共二十畝在晦首助地則中爲公田外實  
入家家治百畝共治公田以供賦屋圃皆資於公田亦得二  
十畝故曰中田有廬疆邑有瓜則公田止八十畝也然法雖  
有定變可相通如貢地不授墾治中田者惟計八十畝而貢  
而以他井足其數助地授墾公田亦得百畝也畝以二耜爲  
耦中爲之配以次爲遂溝澗澮川上各有徑畛涂道路以達


於畿凡五溝五涂地官遂人治之冬官匠人爲之夏官司險  
設之掌固脩之秋官雍氏掌其禁與其利皆官爲經度不煩  
私役小司徒云九夫爲井四井爲邑四邑爲丘四丘爲甸四  
甸爲縣四縣爲都不數溝涂據田界名之也遂人云夫間有  
遂遂上有徑十夫有溝溝上有畛百夫有洫洫上有涂千夫  
有澮澮上有道萬夫有川川上有路雖夫數據田首一耑其  
名則不依田界專數溝涂也匠人記云二耜爲耦一耦之伐  
廣尺深尺謂之畎田首倍之廣二尺深二尺謂之遂九夫爲  
井井間廣四尺深四尺謂之溝方十里爲成成間廣八尺深  
八尺謂之洫方百里爲同同間廣二尋深二仞曰澮專達於  
川各載其名兼田里溝涂數之故成十里同百里成卽甸實

八里加溝涂而十里因異其名爲匠人法井名止於都同四  
都一縣加溝涂而百里因綜大數亦異其名無違詛也故司  
馬法云甸方八里出長轂一乘又云成方十里出長轂一乘  
也鄭玄謂成中八里出稅沿邊一里治洫治洫之民皆在井  
不出稅因旁加一里以至於同夫田里旣由官制而溝涂乃  
歸民工失經野之心且滋弊矣鄉遂在郊等之國中皆用貢  
法孟子所謂國中什一使自賦也郊外謂之野以盡畿疆皆  
用助法孟子所謂野九一而助又云公事畢然後放治私事  
所以別野人謂別野人于鄉遂也鄭玄乃謂都鄙制井田異  
於鄉遂及公邑以公邑附鄉遂非區別國野之誼作井田二

十九圖

地官大司徒云以土圭之法測土深正日景以求地中日南

# 畿 王



南北東西之深日南謂立表處大南近日日北謂立表處大

義教禮典司禮器圖未篇中

三

則景短多暑日北  
則景長多寒日東  
則景夕多風日夕  
則景朝多陰日至  
之景只有五寸謂  
之地中百物阜安  
乃建王國制其畿  
方千里而封樹之  
鄭眾云測土深謂



北遠日景夕謂日昃景乃中立表處大東近日景朝謂日未  
中而景中立表處大西遠日土圭只有五寸以夏至日立八  
尺之表景與土圭等謂之地中今潁川陽城地爲然鄭玄云  
晝漏半而置土圭景短於土圭謂之日南是地於日爲近南  
景長者地近北景東者地近東景西者地近西景只有五寸  
者南戴日下萬五千里地與日月星辰四游升降于三萬里  
中是以半之日景于地千里而差寸許英謂匠人記匠人建  
國水地置槩晝參日景夜攷極星正朝夕得中營之國方九  
里旁三門國中九經九緯皆容九軌左祖右社面朝後市市  
朝一夫此城制之法也地官載師云凡任地國宅無征鄭玄  
謂官所有宮室吏所治者則祖社朝市之間有國宅也載師

又云以廩里任國中之地謂官工所居則國宅外有廩里也  
又云以場圃任園地則坊郭有場圃也以宅田土田賈田任  
近郊之地謂五十里爲近郊也以官田牛田賞田牧田任遠  
郊之地謂百里爲遠郊也以公邑之田任甸地二百里爲甸  
也以家邑之田任稍地三百里爲稍也以小都之田任縣地  
四百里爲縣也以大都之田任疆地五百里爲疆也  
井田丘甸縣都六圖

地官小司徒云乃經土地而井牧其田野九夫爲井四井爲  
邑四邑爲丘四丘爲甸四甸爲縣四縣爲都以任地事而令  
貢賦凡稅斂之事鄭玄謂此造都鄙也采地制井田異於鄉  
遂因鄭眾注引春秋傳井衍沃牧隰皋遂申言隰皋之地九

夫爲牧二牧當一井謂造都鄙授田有不易一易再易通率  
二而當一謂之井牧謂此制匠人爲之溝洫相包乃成謂里  
而井二里而邑四里而丘八里而甸旁加一里十里以爲成  
十六里而縣旁加四里爲二十里三十二里而都旁加八里  
爲四十里小司徒無四都之名鄭謂四都八十里旁加十里  
以爲同以通於匠人記之同且歷計在井邑丘甸縣都井數  
家數者當出田稅在旁加里數井中之家不出稅但治洫引  
司馬法云六尺爲步步百爲晦晦百爲夫夫三爲屋屋三爲  
井井十爲通通爲匹馬三十家士一人徒二人通十爲成成  
百井三百家革車一乘士十人徒二十人十成爲終終千井  
三千家革車十乘士百人徒二百人十終爲同同方百里萬

井三萬家革車百乘士千人徒二千人鄭此注與大司徒造都鄙注自相發夫官司所居皆可謂都邊疆之稱通謂之鄙猶邑里耳若必拘大小都之口謂都在縣境則鄙師固在遂矣何以亦屬之采地乎且大司徒言造都鄙此固不言造都鄙也井牧之法固通鄉遂甸稍縣都言之井邑丘甸縣都卽合郊野井地目之不得謂采地皆隰臬鄉遂皆衍沃也不得謂采地爲井邑丘甸縣都郊遂特爲成同也英謂大司徒造都鄙分不易一易再易謂鄉遂之井牧遂人掌野辨萊五十晦百晦二百晦之數頒甸稍縣都之井牧也地有純上者純中者純下者相兼錯者通率不能得要在郊用易法在野用萊法耳必目井邑丘甸縣都者通據郊野之井實出貢賦

者立之稱與匠人記並數溝涂稱同以相別者異司馬法據  
同爲說其實一同卽加溝涂之四都一縣故其云甸出長轍  
一乘與成出長轍一乘無異知甸成一也匠師之工欲終於  
同故岐呼之鄭自蔽於民當治漚耳

井



邑



小司徒云九夫爲井蓋井方一里九  
百畝百畝一夫在郊遂者行貢法則  
九夫在甸稍縣都行助法則八夫在  
外中爲公田

四井爲邑共方二  
里貢法則三十六  
夫助法則三十二  
夫

丘

甸

縣

邑	<small>每方二里四井 三十家 助法則三百家</small>
邑	

丘	<small>每方四里六井 助法則四百家</small>
丘	

甸	<small>每方六里二十四井 助法則五百家</small>
甸	

四邑爲丘共方四里

十六井貢法則百四

十四夫助法則百二

十八夫

四丘爲甸共方八里六

十四井貢法則五百七

十六夫助法則五百一

十二夫

四甸爲縣共方十六里二

百五十六井貢法則二千

三百有四夫助法則二千

四十八夫

都

縣	縣
縣	縣

每方十里百五十二夫  
三百畝地應四手與之  
三畝地應四手與之

四縣爲都共方三十二里

千二十四井貢法則九千

二百十六夫助法則八千

一百五十二夫

鄭玄又云四都並旁加得八十里旁加十里乃得方百里爲

一同

比閭族黨州鄉六圖

大司徒施教法於邦國都鄙使各教其民分民爲六使眾寡各有所屬特爲之目不欲同之遂與野也鄉爲貢法井皆九家

黨 族 閭 比

族族族族族 閭閭閭閭 比比比比比 家家家家家

五家爲比使之相保

有比長共半井有奇

之民

五家爲閭使之相受

有閭胥共二十五家

二井大半井之民

四閭爲族使之相葬

有族師共百家十一

井有奇之民

五族爲黨使之相救有黨

正共五百家五十五井有

半井奇之民



州

鄉

黨黨黨黨黨

州州州州州

五黨爲州使之相闕有州長

共二千五百家二百七十七

井大半井之民

五州爲鄉使之相質有鄉大夫

共萬二千五百家千三百八十

八井大半井之民

鄰里鄧鄙縣遂六圖

遂人掌邦之野以土地之圖經田野造縣鄙形體之法遂人掌遠郊郊外謂之野云掌邦之野標兼甸稍縣都餘地之爲井者也曰造縣鄙猶鄉之言造都鄙異遂於鄉別爲之目以鄉近畿尊之且將立法爲甸稍縣都率亦使各有所屬如鄉

民皆有地域溝樹之使各掌其政令刑禁遂行貢法井則九夫如鄉甸稍縣都行助法井則八夫其圭田采地或貢或助聽士大夫公卿之自爲政矣

鄰

家家家家家

里

鄰鄰鄰鄰鄰

鄒

里里里里

五家爲鄰鄰長治之遂則半井有

奇之民若甸稍縣都一井八家則

大半井之民也

五鄰爲里里宰治之共二十五家遂則

二井大半井之民若甸稍縣都則三井

小奇之民也

四里爲鄒鄒長治之共百家遂則

十一井有奇之民若甸稍縣都則

十二井半之民也

傳通國邑名區才集

鄙

鄙鄙鄙鄙鄙

五鄙為鄙鄙師治之共五百家遂則五十井半有奇之民若甸稍縣都則六十二井半之民也

縣

鄙鄙鄙鄙鄙

五鄙為縣縣止治之共二千五百家遂則二百七十七井大半井之民若甸稍縣都則三百一十二井半之民也

遂

縣縣縣縣縣


五縣為遂遂大夫治之共萬二千五百家遂則千三百八十八井大半井之民若甸稍縣都則千五百六十二井之民也

五溝五涂圖

遂人云凡治野夫間有遂遂上有徑十夫有溝溝上有畛百

夫有漚漚上有涂千夫有澮澮上有道萬夫有川川上有路以達於畿鄭玄云十夫二鄰之田百夫一鄣之田千夫二鄣之田萬夫四縣之田遂溝澮澮皆以通水於川徑容牛馬畛容大車涂容乘車一軌道容二軌路容三軌都之野涂與環涂同可也萬夫者方三十三里少半里九而方一同以南晦圖之則遂從溝橫澮從澮橫九澮而川周其外焉去山澤宮室雖有都鄙遂人盡主之英謂十夫據井成數井夫將及十也百夫據成大數成夫不盈千也千夫據都大數都夫不盈萬也萬夫據同大數同夫以萬算也就夫言故不稱井成都同實見同法矣遂在鄉外野前適中故見溝涂法標鄉野同例匠人記言一耜爲耦一耦之伐廣尺深尺謂之畝遂人不

言畝者畝在兩百畝間橫界之兩夫所共小故從畧遂在田首倍畝居六百畝間六夫所共故由遂始



匠人記王國經塗九軌環塗七軌野塗五軌又云環塗以爲諸侯經塗野塗以爲都經塗環塗謂環王城之塗都經塗都


匠人記畝廣  
尺深尺遂倍  
畝溝倍遂澮  
倍溝澮倍澮  
川或人爲或  
兩山間所出  
皆倍澮多也

邑中經涂緯涂皆同經涂也差之則川上之路約三軌道涂  
畛徑遞差可知

畝遂井溝成洫同澮川九圖

攷工記匠人爲溝洫耜廣五寸二耜爲耦一耦之伐廣尺深  
尺謂之畝田首倍之廣二尺深二尺謂之遂九夫爲井井間  
廣四尺深四尺謂之溝方十里爲成成間廣八尺深八尺謂  
之洫方百里爲同同間廣二尋深二仞謂之澮專達於川各  
載其名鄭玄謂九夫共治溝成邊一里治洫同邊十里治澮  
夫五溝五涂皆由官師治之果民爲之必失法矣且如鄭說  
治洫澮者任田不出稅九夫治溝則必六夫治遂乃皆出稅  
亦非均人之法也圖爲九

畎



二耜爲耦一耦之伐廣尺深尺謂之畎鄭  
玄云伐發也畎畎也英謂以南晦圖之則  
畎橫畎在二百晦兩夫間遂人有五溝五  
涂由遂始記由畎始者畎亦匠人事雖小必詳虞書禹貢云  
濬畎澮距川則自畎至川皆司空之職也

遂



田首倍之廣二尺深二尺謂之遂田謂百  
晦田首謂三百晦倍之倍畎遂者六夫  
間從溝遂人云夫間有遂遂上有徑

井




九夫爲井鄭玄云畿內采地制井田異於  
鄉遂及公邑采地在王畿三百里四百里  
五百里中九夫相具出賦共治溝英謂圭

田在二百里三百里四百里中公采地在五百里中王子弟之采地兼在二百里三百里四百里五百里中百里爲鄉遂行貢法圭田采地行助法雖九夫八夫有異井田則同皆官治其溝民不與也

溝



井間廣四尺深四尺謂之溝井間井井相交處四尺廣深倍遂將以受遂遂人云十夫有溝溝上有畛十夫據一井言



方十里爲成成中八里六十四井貢法九家則五百七十六夫助法八家則五百一十二夫卽甸也沿邊一里爲塗爲塗匠人合塗塗計之異名曰成鄭玄云




成中容一甸出田稅沿邊一里治洫司馬法云甸方八里出長澗一乘又云成方十里出長澗一乘然則甸成一耳如鄭說則大小同法爲輕重失宜矣成夫亦不當治洫也

洫

成間廣八尺深八尺謂之洫廣深八尺爲受溝水故倍溝言成間亦成成相屬如井間也

遂人云百夫有洫洫上有涂百夫據成大數言成卽小司徒四丘之甸民數不盈千也

同



方百里爲同鄭玄謂同中容四都六十四成方八十里出田稅沿邊十里治澮鄭據旁加四里之成加八里之都計之故云容四都六十

四威英謂同申容四都一縣合八十里不啻有加法也共六千四百井貢法則五萬七千六百夫助法則五萬一千二百夫沿邊十里爲澮爲道鄉則邑市在焉遂與野或夫廛在焉餘夫之廛在焉皆不爲井同民亦不得治澮也

### 澮

同閭廣二尋深二仞謂之澮尋八尺也許慎云人張臂八尺謂之尋八尺曰仞記云仞有三尺澮容洫水故廣深倍洫變尋言仞標八尺有此二名由畎遂溝洫例之廣深不得相變也遂人云千夫有澮澮上有道千夫仍據一都大數言一都之數不盈萬也

記云專達於川各載其名不更立井田之名澮實環都已千

同言之也曰專達謂澮已不入他水也遂人云萬夫有川川  
上有路以達於畿萬夫卽隱据同中大數言同中容四都一  
縣夫以萬算也遂人包同義不言同記包都義不言都實錯  
其文而互標之其實井田之法盡于都溝  
川

涂之法終於同耳王國之井田如是侯國  
之井田通用此法矣

其土地之版圖天官則司書掌之地官則大司徒辨其等而  
制之小司徒均之鄉則封人設之載師任之遂則遂人經之  
遂師經牧之縣正頒之縣師則合邦國都鄙稍甸郊里之地  
域而治之鄉遂之外如都則都士家士縣士朝大夫所司辨  
治亦如鄉遂法特不具見綜之於縣師均人其實皆上之司

徒入司書矣

其人民夫家之數大司徒有比法小司徒使各登之大比則攷之鄉則鄉師稽之鄉大夫登之族師校登之閭師掌之遂則遂人登之遂師登之辨之遂大夫稽之辨之州長校之登之縣師合邦國都鄙稍甸郊里之民數而辨之蓋井夫餘夫間民俱在籍矣

其任民之法則有九職一曰三農生九穀二曰園圃毓草木三曰虞衡作山澤之材四曰藪牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚斂疏材九曰間民無常職轉移執事鄭眾謂三農平地山澤也九穀黍稷稻粱大小豆大小麥八材珠曰切象曰磋玉

曰琢石曰磨木曰刻金曰鑿革曰剝羽曰析英謂嬪婦貴女  
鄭玄謂疏材百草根實可食者此冢宰之所任也

其任土之法自王城至畿疆八等載師云以廛里任國中  
之地以場圃任園地以宅田土田賈田任近郊之地以官田牛  
田賞田牧田任遠郊之地以公邑之田任甸地以家邑之田  
任稍地以小都之田任縣地以大都之田任疆地任使受也  
廛里官工所居使受城中地爲宅鄭玄以爲民居之區域非  
也任地自國中始不當發帑遽及井廛也園地謂附郭之地  
以爲場圃有樹蒔事因謂之園鄭玄謂季秋于中爲場圃據  
井園言非也方言國中尙未及郊亦不得遽及井園也宅田  
謂官工有宅於城中者其家所受田鄭眾謂以備益多意謂

將來餘子所居然則野外餘子皆入近郊受宅乎鄭玄謂致仕者之家所受田引士相見禮宅者在邦曰市井之臣在野曰草茅之臣不知禮言有宅無田者邦野異稱不當據以例此也士田謂庶人在官比下士其家所受田鄭眾謂士大夫之子得畊之田夫經止言士乃雜入大夫義不替矣鄭玄讀士爲仕謂卿大夫之圭田夫圭田當與采邑同地旣以爲卿大夫采地在都邑圭田安得在此亦安得名仕也賈田官賣家所受鄭眾謂吏爲縣官賣財與之田夫旣吏矣又爲賣財旣與之將不征乎鄭玄以爲市賈夫市賈自賈何利於官而別爲制田將謂近郊之外無賈耶官田六遂餘地設吏治之鄭眾以爲公家所畊未知將自畊耶抑取力於閭民耶則是

貢助不足乃滋貪矣鄭玄以爲庶人在官所受夫在官不得謂之官又何可以名其田也牛田爲官養牛牲家所受賞田賜予之田牧田爲官牧羊牲豕牲家所受公邑士之圭田鄭玄謂六遂餘地天子使大夫治之二百里三百里上大夫如州長四百里五百里下大夫如縣正是以或謂三百里爲州四百里爲縣遂人亦監焉夫公邑在遠郊之外二百里中安得通及稍縣都耶又以三百里爲州亦雜說失理矣家邑大夫采地小都卿采地大都公采地王子弟食邑亦在焉春官有都宗人家宗人是其義也司馬法云王國百里爲郊二百里爲州三百里爲野四百里爲縣五百里爲都雖有異稱義則一爾

其土地美惡之差別爲三等大司徒云凡造都鄙制其地域而封溝之以其室數制之不易之地家百畝一易之地家二百畝再易之地家三百畝鄭玄謂都鄙王子弟公卿大夫采地所居蓋泥於都爲縣疆之名英謂官司所治皆有邑都此都鄙殆據鄉言鄉老鄉大夫之屬不能無治事之所觀遂人再出異文可知也遂人云辨其野之土上地中地地下地以頒田地上地夫一廛田百畝萊五十畝餘夫亦如之中地夫一廛田百畝萊百畝餘夫亦如之下地夫一廛田百畝萊二百畝餘夫亦如之鄭眾謂萊休不耕者蓋加廛加畝較鄉爲厚馭遠之義云辨其野之土者何稍縣疆皆可以野姪之視遂例焉遂人旣兼爲外四百里立法而皆云夫一廛者廛在畝



外公田皆百晦也

其出賦之地九大率以九賦斂財賄一曰邦中之賦二曰四郊之賦三曰邦甸之賦四曰家稍之賦五曰邦縣之賦六曰邦都之賦七曰關市之賦八曰山澤之賦九曰幣餘之賦鄭玄謂邦中之賦口率出泉引鄉大夫征國中及野不知彼自謂力役之征此自目稅物之名稅田尙輕乃稅其身先王卹民固不然矣英謂邦中卽載師所謂廛里場圃因其秩序同也幣餘鄭眾謂百工之餘鄭玄謂占賣斥幣末作當增賦者若今賈人倍算也

其制貢之法八閭師制八貢之法凡任民任農以畊事貢九穀任圃以樹事貢草木任工以飭材事貢器物任商以市事

貢貨賄任牧以畜事貢鳥獸任嬪以女事貢布帛任衡以山  
事貢其物任虞以澤事貢其物皆人民夫家之正貢也若大  
宰以九貢致邦國之用則通侯國遠夸言之不在此例矣  
其征賦之等六載師云凡任地園廛二十而一近郊十一遠  
郊二十而三甸稍縣都皆無過十二惟其柰林之征二十而  
五廛謂居國中廛里者園謂場圃坵郭者近郊則六鄉及宅  
田土田賈田也遠郊則六遂及官田牛田賞田牧田也皆貢  
法故有差也甸稍縣都皆助法故無差不言九一者野人九  
一而助定法也但甸有公邑稍有家邑縣有小都疆有大都  
都卽疆以大都得專名四者聽其行貢行助雖行貢亦要以  
十二爲節不入其征當禁其暴故統約曰無過也柰林重征

利出自然而厚也

其應入貢賦者大司徒令之斂之小司徒行徵令載師兼征之鄉則閭師徵之遂則遂人令之縣師遂師里宰皆徵之野之鋤粟屋粟閒粟旅師聚之鄭玄謂鋤粟助粟閒粟閒民所罰一夫之粟英謂言野者通甸稍縣都爲例也其外若稻人共葦事山虞斬陽木陰木林衡斬木材川衡共川奠澤虞共澤物各共其所有也迹人掌獵地圯人掌金玉錫石之地以待時取者也角人徵齒角骨物羽人徵羽鬮皆於山澤之農掌葛徵絺綌之材於山農掌染草之斂染草掌炭之掌炭物徵令掌茶徵野疏材之物掌蜃之斂互物蜃物圉人之供生獸死獸場人之供果蓏皆官司其征民爲之取受以權量以

代賦入其有饒者亦必售其買也

其游惰不業者有罰賦焉戰師云凡宅不毛者有里布凡因  
不耕者出屋粟凡民無職事者出夫家之征鄭眾謂不毛不  
樹桑麻里布布參印書廣二寸長二尺鄭玄謂屋粟一屋三  
夫之稅粟夫征一夫百畝之稅家稅謂士徒車輦徭役  
英謂三等之罰謂鄉遂也若旅師掌聚野之鋤粟屋粟閒粟  
鄭玄訓鋤爲助則止賦也屋粟與鄉遂同閒卽閒民無職事  
者不出夫家之征而出粟又無宅不毛之罰則甸稍縣都罰  
止兩等待遠人優矣

其有不征者戰師云國宅無征鄭玄云官所有宮室吏所治  
也又均人掌均地政均地守均地職均人民牛馬車輦之力

政凡均力政以歲上下豐年公旬用三日中年二日無年一日凶札則無力政無財賦不收地守地職不均地政蓋貢賦力役俱舍矣

其受之也天官則大宰掌其書小宰執其貳大府貳之受之玉府藏其良內府受其幣亦受其良外府掌其入司會日而成之月而要之歲會而計之司書敘而受之職內掌其入受其貳令而書之職幣辨其物奠而錄之以書揭之皆幣貨之物也地官則廩人掌九穀之藏舍人掌粟米之入倉人掌粟入之藏皆粟米之征也

其用之也天官則大府頒之外府掌其出司會日成月要而歲會之職歲掌其出待會計而攷之關市之賦待王膳服邦

中之賦以待賓客四郊之賦以待稍林家削之賦以待匪頒  
削卽稍也邦甸之賦以待工事邦縣之賦以待幣帛邦都之  
賦以待祭祀山澤之賦以待喪紀幣餘之賦以待賜予凡邦  
國之貢以待弔用萬民之貢以充府庫式貢餘財以充玩好  
則用弊之法也地官舍人掌米粟之出惟待匪頒賜稍食  
焉則用粟米之法也

其聯民之法鄉則令五家爲比比長治之五比爲閭閭胥治  
之四閭爲族族師治之五族爲黨黨正治之五黨爲州州長  
治之五州爲鄉鄉大夫治之鄉大夫皆卿六鄉六卿二鄉則  
一公爲鄉老凡教官之屬令皆在司徒焉遂則令五家爲鄰  
鄰長治之五鄰爲里里宰治之四里爲鄒鄒長治之五鄒爲

鄙鄙師治之五鄙爲縣縣正治之五縣爲遂遂大夫治之皆  
統於遂人遂師遂不言數當如鄉數其甸稍縣都不別爲名  
蓋同之遂矣遂人固掌野也

其作民也有差焉大宰以八則治都鄙八曰田役以馭其眾  
小司徒頒比法於六鄉均土地稽民數上地家七人可任也  
者家三人中地家六人可任也者二家五人下地家五人可  
任也者家二人凡起徒役毋過家一人以其餘爲羨唯田獵  
追胥竭作又云國之大事致民大故致餘子鄭玄謂有夫有  
婦然后爲家自二人至十人爲九等五六七舉中也謂七人  
以上受上地五人以下受下地是也司馬制上中下地可用  
人數與小司徒同則用民之例郊野等矣而用國中民與野

民有以年異者鄉大夫登夫家眾寡辨其可任者國中自七尺以及六十野自六尺以及六十有五皆征之舍其貴者賢者能者服公事者老者疾者國中謂鄉遂野則甸稍縣都之總名也七尺蓋謂二十六尺蓋謂十六國中民遲受田早歸田故遲受兵早還兵野民早受田遲歸田故早受兵遲還兵論力役則國中紓論受田則野民饒也致野民又有以地異者遂人云凡治野以下劑致阡則人數皆從下地法也是先王之優待遠民也

其出軍之法宗伯掌其禮大司徒治其徒庶之政令小司徒會萬民而卒伍之五人爲伍五伍爲兩四兩爲卒五卒爲旅五旅爲師五師爲軍以起軍旅以作田役以比追胥鄉則鄉



大夫令之鄉師帥之治之州長帥致之黨正以法治其政事  
族師合之帥之亦令戒之遂則遂人令之起之致之不用命  
者誅之遂師作之平之縣正帥之鄙師掌其政令州長比而  
帥之其甸稍縣都之軍則都司馬掌大小都之戒令以聽國  
司馬家司馬掌公邑家邑亦如之縣師則受法於司馬合邦  
國都鄙稍甸郊里之卒伍以法使之會之稍人佐縣師又以  
縣師之法作司徒治其政令聽於司馬司馬乃制爲軍焉大  
司馬云凡制軍萬有二千五百人爲軍王六軍大國三軍次  
國二軍小國一軍軍將皆命卿二千五百人爲師師帥皆中  
大夫五百人爲旅旅帥皆下大夫百人爲卒卒長皆上士二  
十五人爲兩兩司馬皆中士五人爲伍伍皆有長蓋王軍以

六卿將大國三卿次國二卿小國一卿如其軍數故云軍將皆命卿師帥鄉帥卽州長遂卽縣正州縣皆二千五百家家出一人也旅帥鄉帥卽黨正遂卽鄙師黨鄙皆五百家卒長鄉帥族師遂卽鄧長族鄧皆百家兩司馬鄉帥闕胥遂卽里宰闕里皆二十五家伍長鄉帥比長遂卽鄰長比鄰皆五家其實遂之軍將屬遂大夫非卿卽屬遂人亦中大夫非卿鄉之州長中大夫遂之縣正下大夫鄉之黨正下大夫遂之鄙師上士鄉之族師上士遂之鄧長中士鄉之闕胥中士遂之里宰下士鄉之比長下士遂之鄰長不言士但言五家一人蓋遂遠畿故降于鄉司馬據鄉爲法實亦姦遂以伍長不言下士也至何稍縣都則都司馬家司馬將之可知都司馬以上士

將縣都之眾庶家司馬本以家臣爲之以將甸稍之軍不過中下士耳然制軍用聯民之成數蓋據平日師田爲法若遠征則有異焉孫子用閒篇云興師十萬出征千里百姓之費公家之奉日費千金內外騷動息於道路不得操事者七十萬家蓋謂助地同井八家共出一人七家供其芻餼然則遠征之兵不得家出一人亦所以恤民也吳子治兵篇云鄉里相比什伍相保則訖周之末仍用農兵也

其有聽軍法而不入軍政者夏官諸子掌國子之倅國有大事帥國子致於天子唯所用之若有兵甲之事則授之車甲合其卒伍以軍法治之司馬弗正國征弗及鄭眾云國子諸侯卿大夫士之子倅副也此則不在軍籍之軍也

其馬牛車輦甲兵旗鼓之物大司徒令之小司徒攷之鄉則鄉師辨之正治之簡之族師辨之簡之閭師掌其數遂則遂人登之州長帥之里宰比之野則都司馬家司馬掌之縣師則使邦國都鄙稍甸郊里皆備之稍人佐縣師致之而有出於民者有頒於官者稍人掌丘乘之政令若有會同師田行役之事則以縣師之法作其同徒輦輦帥而以至治其政令以聽於司馬謂掌四邑出馬故曰丘乘舉丘乘以效甸都也稍人本用縣師之法通作邦國都鄙稍甸郊里之車徒故得掌之鄭玄讀乘爲甸謂稍人掌令都鄙脩治井邑丘甸縣都之溝涂稍人無文未知何據而爲此異說也司馬法四邑爲丘出戎馬一匹牛二頭四丘爲甸出長轂一乘戎馬四匹牛

十二頭成同於甸是卽稍人法孫子作戰篇云國貧於師財竭則急於丘役又云丘牛大車十去其六蓋牛以載重丘所出因以名凡兵車一乘甲士三人步卒七十二人重車一乘副之裝具在焉廝養二十五人乘之司馬舊制也魯成公作丘甲謂使丘出甸賦故爲重征皆稍人法兼國中與野爲例達於邦國無異也大司馬中夏教芟舍令羣吏撰車徒中冬大閱陳車徒則會致而教令之也此牛馬車輦之出於民者也司兵掌五兵五盾各辨其物與其等以待軍事及授兵從司馬之法以頒之及其受兵輸亦如之及其用兵亦如之司弓矢掌六弓四弩八矢之法辨其名物掌其守藏與其出入及其頒之王弓弧弓以授射甲革楯質者夾弓庾弓以授射

狩侯鳥獸者唐弓大弓以授學射者使者勞者矢箠皆從其  
弓凡弩夾庾利攻守唐大利車戰野戰凡矢枉矢絜矢利火  
射用諸守城車戰殺矢鏃矢用諸近射田獵繪矢葦矢用諸  
弋射恒矢痺矢用諸散射又云凡師役會同頒弓弩各以其  
物從授兵甲之儀又云凡亡矢者弗用則更此蓋謂鄉遂法  
若甸稍縣都則都司馬掌其戒令家司馬亦如之蓋亦各以  
司馬法頒之然則兵器皆官具之司弓矢言頒弓弩從授兵  
甲之儀司甲雖闕則亦頒之可知也其有自具而服於用者  
固聽之矣司常掌九旗之名物日月爲常交龍爲旂通帛爲  
旛襍帛爲物熊虎爲旗鳥隼而旒龜蛇爲旐全羽爲旄析羽  
爲旌及國之大閱贊司馬頒旗物王建大常諸侯建旂孤卿

建廬大夫士建物師都建旗州里建旗縣鄙建旒道車載旒  
旂車載旌皆畫其象官府各象其事州里各象其名家各象  
其號又云凡軍事建旌旗及致民置旗弊之甸亦如之司徒  
有致萬民之旗遂人致民有遂之大旗大司馬中春教振旅  
以旗致民中秋教治兵辨旗物之用王載大常諸侯載旂軍  
吏載旗師都載旌鄉遂載物郊野載旒百官載旗各書其事  
與其號其用有與司常異者軍吏載師都之旗將卑也師都  
載孤卿之旌將尊也鄉遂載大夫士之物皆大夫帥之也郊  
野載縣鄙之旌重遠役也百官載州里之旗皆以士統之也  
各書事號所以識焉則無異也中冬教大閱修戰法亦令羣  
吏以旗物帥民以致質明弊旌誅後至者然則軍事之旗官

具之也鼓人掌六鼓四金之音聲以和軍旅以正田役以鼗鼓鼓軍事以鼙鼓鼓役事以金鐸和鼓以金鐃節鼓以金鐃止鼓以金鐸通鼓凡軍旅夜鼓警軍動則鼓其眾田役亦如之大司馬中春敎振旅辨鼓鐸鐃之用王執路鼓諸侯執賁鼓軍將執晉鼓帥執提旅帥執鞞卒長執鐃兩司馬執鐸公司馬執鐃鄭眾云提馬上鼓也又云遂以蒐田晉民鼓中冬敎大閱令羣吏以鼓鐸鐃帥民而致然則軍中之鼓亦官具之也



弟子傅守中校勘

壽櫟廬弟三子吳 鋌再校

儀禮疏四禮器屬末篇中終

儀禮奭固禮器圖末篇下

壽櫟廬叢書之二


名山吳之英撰

學校圖

人之心思不能無所塞耳目不能無所囿也必段古人心  
思耳目以濶之古人不可見矣則識古者爲之誦說焉事無  
不資于學也傳稱帝者與師處董仲舒謂五帝名大學曰成  
均則立學且不由帝始賈誼引學禮帝入東學南學北學西  
學大學之文蓋帝世已備五學焉虞書契爲司徒敷五教夔  
典樂教胄子以詩樂蓋司徒簡論東西北三學夔師東膠成  
均矣明堂位記米面有虞氏之庠因周所用紀其名他不盡  
詳也夏小正稱丁亥萬琴入學明堂位記以序爲夏后氏之

序孟子云夏曰校教也蓋學各爲名錯舉者不必合也殷學稱爲瞽宗王制記殷人養老分左右學孟子又云殷曰序射也亦因學非一地可偏稱也虞與夏殷學數無稽以故說錯出異名知亦五學具焉周立五學經有其文鄭玄意大學當立於國而以小學在宮南大學在郊爲殷制又以東膠爲大學且不知瞽宗所在其說多滋惑焉作學校兩圖

王國學



四學皆在近

郊五十里中

小學在城中

王宮南之左

周法三代鄉爲四學夏序在東虞庠在西殷瞽宗在北周辟

雍爲大學在南王宮之左則小學在焉

夏序謂之東序地在東郊以教詩樂文王世子記春詠夏弦  
太師詔之又云春夏學干戈秋冬學羽籥皆於東序大司成  
於此論說焉記又云大司成論說在東序飲射在焉鄉射禮  
謂豫則鉤楹內記又謂序則物當棟豫卽序以同聲相段序  
蓋無室可深入堂因飲行射射在此知飲在此也又稱東膠  
國老養焉王制記養國老於東膠文王世子記凡祭與養老  
乞言合語之禮皆小樂正詔之於東序大樂正授數又云適  
東序釋奠於先老遂設三老五更羣老之席位焉則東膠實  
東序異名也凡他學初立釋菜後退儻于此文王世子記始  
立學旣興器用幣然後釋菜不設不投器乃退儻於東序此

信禮可正禮名曰三集 二  
東序之禮事也

虞庠以教書以其上世之學謂之上庠文王世子記書在上  
庠是也飲射在焉鄉射禮云堂則由楹外記又云堂則物當  
楣蓋庠有室較序爲隘故皆近堂外側王制記者老皆朝於  
庠元日習射尙功習鄉尙齒皆是也庶老養焉王制記養庶  
老於虞庠虞庠在國之西郊祭先賢焉祭義記祭先賢於西  
學所以教諸侯之德也此虞庠之禮事也

殷瞽宗在北勝國之學處陰以教禮文王世子記禮在瞽宗  
又云瞽宗秋學禮執禮者詔之後師於此祀焉周官大司樂  
云凡有道者有德者使教焉死則以爲樂祖祭於瞽宗道德  
以和樂爲歸故以樂祖名標東序成均祭先聖先師不祭後

師也此警宗之禮事也

大學辟雍在南郊就陽位也王制記大學在郊天子曰辟雍諸侯曰頴宮鄭玄以爲殷制夫雅詩稱於樂辟雍魯頌稱旣作泮宮顯爲周學之名殷學固無證矣亦教詩樂畧如東序又曰成均春官大司樂掌成均之法詩樂之官皆以教焉有飲射之禮王制記大樂正以不帥教者告王王命三公九卿大夫元士皆入學則亦必有飲射如耆老朝庠也記又云不變王親視學則必有燕與大射如移者之行初禮也皆謂入大學也有視學禮焉文王世子記天子視學命有司興秩節祭先師先聖焉謂大學也亦養老焉祭義記食三老五更於大學謂國老年及七十者也此其禮數也其道則大學記論

之詳矣此四學者皆在近郊筮子所謂聖王處士使就閒燕  
蓋不欲其與廛市穢居也

小學在王城中宮南左王制記小學在公宮南之左因上言  
天子命之教然後爲學據侯國稱公宮其實因侯國見天子  
例矣小學教王太子王子羣后之太子卿大夫元士之適子  
以地官師氏保氏主之春秋在焉以師氏掌國中失之事以  
教國子弟知爲春秋春秋紀國事得失者也周不名春秋故  
不正言實春秋義矣餘則教以小節小義猶在塾之士然以  
保氏教國子六藝六儀知之也謂之國子者皆貴子也國子  
學小節無出就外傅之法及年則由小學入東序與學士同  
此小學之禮事也

立學必待時王制記食節事時民咸安其居樂事勸功尊君親上然後興學在量地制邑度地居民後據開創之初封建已定井田已設則天子興學也

凡立學必釋奠與菜入學亦然奠用幣菜用芹藻先幣而後菜故或言釋奠或言釋菜一也釋舍也薦置之名別於大祀文王世子記凡始立學者必釋奠於先聖先師及行事必以幣又云始立學者既興器用幣然後釋菜不退不投器乃退饋於東序一獻無介語可也器謂樂器與謂若宿縣供琴器之事鄭玄讀興爲釁謂告釁器夫學當始興釁宮且不記記釁器之告乎不退不投器謂有故而殺禮者語謂若大司成之論說此始立學釋菜也月令紀仲春上丁命樂正習



釋菜孟春乃先言入學習甚蓋豫習之爲釋菜用亦在學故  
言入實則釋菜而後謂之入學也文王世子記凡學春官釋  
奠於其先師秋冬亦如之言春官者入學以春春官典詩樂  
故舉以例大學言其先師大學亦祀先師秋冬如之謂學書  
上庠學禮瞽宗者不言夏夏無更端之業鄭玄謂夏從春可  
知不知夏亦習詩樂也學記大學始教皮弁祭菜示敬道也  
則大學亦同東序也瞽宗虞庠則秋冬釋菜于樂祖先賢小  
學教未成人之國子當早入學則亦仲春釋菜同大學矣此  
入學者之釋菜也文王世子記凡釋奠者必有合也有國故  
則否鄭玄謂國無先聖先師則與鄰國合國故謂若唐虞有  
夔伯夷周有周公魯有孔子則各奠不合英謂凡釋奠總立

學入學合謂合樂必有謂禮必用之爲重學事國故謂若喪  
災及他禮事又爲不合樂者立法示可從殺故下云凡大合  
樂必遂養老然則釋菜可行養老禮矣有故則不習不授器  
退宿東序與興器者異若瞽宗小學無養老節則雖釋菜有  
樂而不大合矣此釋菜豐約之節也

入學出學有時月令孟春紀是月也命樂正入學習習仲春  
紀上丁命樂正習習釋菜仲丁命樂正入學習樂文王世子  
記凡教世子及學士必時春夏學于七秋冬學習習皆於東  
序又云春誦夏弦祭義記天子設四學當入學而大子齒王  
制記王太子王子羣后之太子卿大夫元士之適子國之俊  
選皆造焉凡入學以齒謂國子由小學出選士由州學入皆

謂入東序皆同時文王世子記秋學禮謂入瞽宗又云冬讀  
書謂入虞庠亦用秋冬上丁可知學記大學始教皮弁祭菜  
大學與東序同法入學亦當同時小學殆同大學矣此入學  
之時也春官大胥秋頒學合聲謂東序頒學頒猶出也因頒  
學合樂猶始入時釋菜合樂然秋謂孟秋之朔必於是時頒  
學者春夏學詩樂暫畢將就瞽宗且歷三時容有歸節不與  
伏生書傳言鄉塾出學距冬至四十五日同例也王制記將  
出學小胥大胥小樂正簡不帥教者告大樂正因以告王將  
復教之故及未出學簡之亦謂出東序學然則瞽宗出學在  
冬初虞庠出學在冬暮矣大學與東序同法出學當亦如東  
序節凡四學之出節願留者止焉不必皆出而不必出而不復

也小學不易業蓋至冬始出中容假歸之期耳若學及年限出就東序則出學遵東序法此出學之時也

學各有師春官典詩樂者十九官職教者九而教學者七大司樂治建國之學政合國之子弟以樂德教國子中和祇庸孝友以樂語教國子興道諷頌言語以樂習教國子習雲門大卷大咸大磬大夏大濩大武帥國子而習樂師掌國學之政教國子小習凡習有敝習有羽習有皇習有旄習有干習有人習教樂儀行以肆夏趨以采薺車亦如之環拜以鐘鼓爲節詔來瞽臯詔及徹帥學士歌徹大師教六詩曰風曰賦曰比曰興曰雅曰頌小師掌教鼓鼗祝敔塤簫篪弦歌磬師掌教學磬編鐘教緌樂燕樂之鐘磬笙師掌教吹等笙

垣筓蕭箎篪管春牘應雅以教祓樂籥師掌教國子翬羽儻  
籥至于替際眡際典同鐘師鐔師籥章鞀屨氏典庸器役其  
職而不教者也教師教誅樂祭祀則帥其屬而翬旄人教翬  
也教于學者唯七師佐師者則大胥掌學士之版待致諸子  
春入學釋菜合習秋頒學合聲以六樂之會正習位序出入  
習者祭祀用樂以鼓徵學士少胥掌學士之徵令而比之曠  
其不敬者巡習列而撻其怠慢者則不在師列糾闕子學士  
就學者也此東序之師法也文王世子記著宗秋學禮執禮  
者詔之禮在著宗則著宗之師法也又云冬讀書典書者詔  
之書在上庠則上庠之師法也大學不名一執通書禮詩樂

春秋者皆升焉以詩樂爲道德之歸極故法畧與東序同而  
以大司樂兼主之大司樂掌成均之法是也惟來升者皆有  
所成論其理意不必拘於形數故記稱大學之道焉若必習  
之則七師皆會矣此大學之師法也地官師氏以三德教國  
子至德爲道本敏德爲行本孝德知逆惡三行孝行親父母  
友行尊賢良順行事師長掌國中失之事以教國子弟凡國  
之貴游子弟學焉中失謂得失卽春秋也保氏養國子以道  
教六藝曰五禮曰六樂曰五射曰五馭曰六書曰九數教六  
儀祭祀賓客朝廷喪紀軍旅車馬之容英謂師氏保氏皆以  
教王宮南之小學所謂貴游子弟卽王太子王子羣后之大  
子卿大夫元士之適子也文王世子記所謂世子入則有保

出則有師又云虞夏商周有師保有疑丞蓋小學之師法也  
有合語之教焉文王世子記合語之禮小樂正詔之於東序  
大樂正授數大樂正謂樂師小樂正謂小師又云大司成論  
說在東序又云凡侍坐于大司成者遠近間三席可以問終  
則負牆列事未盡不問論說卽合語此謂其地與坐也鄭玄  
云席三尺三寸三分據曲禮記席間函丈是也記又云凡語  
於郊者必取賢斂才焉或以德進或以事舉或以言揚曲藝  
皆誓之以待又語三而一有焉乃進其等以其序謂之郊人  
遠之於成均以及取爵于上尊也鄭玄以三而一有謂三說  
中有一善以謂之郊人遠之爲句謂賤技藝謂成均爲虞庠  
言天子飲酒虞庠郊人亦得酌于上尊以相旅英謂語合語

也郊東序也語于郊者大司成也大司成卽大司樂以兼主成均謂之大司成曲藝謂御書數誓之因其善而勵勉之三卽謂德事言進其等以其序謂高等上弟之次卽上所謂進取揚也遠猶推也遠之于成均謂詔大樂正推升入大學隸于司馬言猶不得在官府也及漸及也爵秩也取於上升而益貴尊者猶尊尊也謂推入大學爲進士則司馬將論其賢而官爵之此廣言合語者獎進之方也

有攷校之法焉學記比年入學中年攷校一年視離經辨志三年視近業樂羣五年視博習親師七年視論學取友謂之小成九年知類通達強立而不反謂之大成謂所居五學歷有攷焉不謂一學當居九年也



有視學之禮焉學記未卜禘不視學游其志也則視學在卜  
禘後也文王世子記天子視學大昕鼓徵所以警眾也眾至  
然後天子至乃命有司行事興秩節祭先師先聖焉有司卒  
事反命始之養也視學視大學辟雍爲勸學鼓徵大胥以鼓  
徵學士命有司行事故曰視先視學後養老故曰卒事反命  
始之養也鄭玄云視學上庠上庠非周學何必特視之王制  
記不帥教者不變王親視學則兼有射事不徒養老矣

有養老乞言之典焉文王世子記凡大合樂必遂養老又云  
凡養老乞言之禮皆小樂正詔之於東序大樂正授數內則  
記凡養老五帝憲三王有乞言五帝憲養氣體而不乞言有  
善則記之爲惇史三王亦憲既養老而后乞言亦微其禮皆

有特異意謂法其德乞言求治理之言善亦謂言有則記不  
必老人意故不乞醇厚也微詳慎也言雖乞必擇也王制記  
有虞氏皇而祭深衣而養老夏后氏收而祭燕衣而養老殷  
人學而祭緇衣而養老周人冕而祭玄衣而養老凡三王養  
老皆引年鄭玄謂引戶校年將行復除英謂引長也酌獻時  
有壽語祝其長年惟有虞氏質獨否又云凡養老有虞氏以  
燕禮夏后氏以饗禮殷人以食禮周人脩而兼用之五十養  
於鄉六十養於國七十養於學達於諸侯鄭玄以國爲國中  
小學以爲殷制英謂鄉州學也國對鄉言謂國學東序西序  
也若必以城中爲國則國老亦豈得爲城中之老乎七十謂  
國老年及七十者學謂大學又云有虞氏養國老於上庠養

庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠虞庠在國之西郊國老致仕者庶老賤者上下東西左右各以所尊爲等東膠東序虞庠上庠文王世子記天子視學有司釋奠反命始之養也適東序釋奠於先老遂設三老五更羣老之席位焉適饌省醴養老之珍具遂發詠焉退修之以孝養也反登歌清廟既歌而語以成之也言父子君臣長幼之道合德音之致禮之大者也下饗象設大武大合眾以事達有神興有德也正君臣之位貴賤之等焉而上下之義行矣有司告以樂闋王乃命公侯伯子男及羣吏曰反養老於東序終之以仁也鄭玄謂三老象三辰五更象五星各

一人退修之謂既迎而入獻之以醴語談說合眾合學士英  
謂三老三人五更五人漢制一人非禮意也此謂東序養國  
老虞庠養庶老差之可知祭義記食三老五更於大學天子  
袒而割牲執醬而饋執爵而醕冕而總干所以教諸侯之弟  
也謂國老七十以上養于大學者瞽宗小學皆無養老事矣  
不肖者有移屏之罰焉王制記大司徒命鄉簡不帥教者以  
告者老皆朝於庠元日習射上功習鄉上齒大司徒帥國之  
俊士與執事焉不變命右鄉簡移之左左鄉簡移之右不變  
移之郊不變移之遂皆如初禮不變屏之遠方終身不齒鄉  
謂州學習射習鄉射習鄉習鄉飲欲以國學禮化之命兩鄉  
左右互移者朝庠後仍反州學也移之郊謂近郊疆之家塾

遂謂遠郊疆之家塾遠方謂畿外此謂西庠簡緇也凡鄉士之當簡教者均朝於上庠也又云造士將出學小胥大胥小樂正簡不帥教者以告于大樂正大樂正以告于王王命三公九卿大夫元士皆入學不變王親視學不變王三日不舉屏之遠方西方曰棘東方曰寄終身不齒此謂南學辟雍之簡緇也上言升學爲俊士樂正崇四術立四教順先王詩書禮樂以造士春秋教以禮樂冬夏教以詩書王太子王子羣后之太子卿大夫元士之適子國之俊選皆造焉入學以齒知俊士由州學升國子由小學出皆先入東序而徧歷西北兩學者小胥大胥小樂正所簡東序士也王命公卿大夫元士入學入大學行飲射也王親視學亦在大學欲於大學行

禮以化之。猶州學不帥教者之朝庠也。不變者反三學而不變。猶朝庠者之反鄉不變也。三日不舉謂盛饌與樂重其爲國子俊士也。不移者漸升而來猶不帥教不必移也。屏但言西方東方者。升由庠序。緇由其方北爲晉宗。無飲射事。弟子旣學聽簡論於庠序。其方不賓人卽亦不當緇人。南則大學所在。皆漸德化。尤不當緇凶人於其前也。小學無飲射亦無升緇及年而學益者出就東序。簡從外學法記。又云大夫廢其事終身不仕死以士禮葬之。終言學子旣仕之緇而事不在學矣。

秀異者有升法。王制記命鄉論秀士。升之司徒曰選士。司徒論選士之秀者。升之學曰俊士。升于司徒者不征於鄉。升于

學者不征於司徒曰造士大樂正論造士之秀者以告于王而升諸司馬曰進士司馬辨論官材論進士之賢者以告于王而定其論論定然後官之任官然後爵之位定然後祿之此言東序升進大學之法凡升大學俱由東序庠之升士但升入序耳論審間也選士初舉之名學序庠也升諸司馬升諸大學聽治于司馬不屬大樂正也司馬有進賢興功之責故論大學之進士而官之爵之祿之上庠瞽宗小學皆入序乃有升司馬法凡升者當以禮賓之亦必有飲射矣

其餘家塾黨庠術遠州學之屬皆受法于司徒先生君子主之與其升紳或致仕者教焉如伏生書傳所謂大夫爲大師士爲少師者也

學子有禮焉凡受學執業之儀是也曲禮內則少儀諸記管子弟子職篇言之備矣不必具錄也


學以年階內則記十年出就外傳謂入塾學王制記六十不親學蓋忽忘多矣鄭玄以爲不能備弟子之禮亦是也

若夫禮在學而不與學事者則有矣司寇於此告訊罪人焉魯頌云在泮獻囚是也戰勝于此告獲焉王制記天子出征受成於學執有罪反釋奠於學以訊馘告魯頌亦云在泮獻馘是也

王制記天子命之教然後爲學小學在公宮南之左大學在郊天子曰辟雍諸侯曰泮宮鄭玄以爲殷制殷制不可知周制固具見矣辟之言璧謂形如璧雍者樂之和泮半也半璧



如璜下天子命教乃爲學惟言小學大學則若諸侯惟立兩學然據文王世子記天子養老畢命公侯伯子男及羣吏曰反養老於東序羣吏謂畿疆之公卿大夫然則五爵有東序



四學皆在近郊三  
千里中小學在城  
中公宮南之左

則亦有虞庠替宗矣或畿疆圭田采邑中惟有序耳明堂位記魯學云米廩有虞氏之庠序夏后氏之序替宗殷學頌宮周學雖不言小學則亦在公宮南左可知然則諸侯果備五

學也制雖降等其一切禮事當與天子畧同惟歲獻貢士於天子則侯國之制宜然爾

弟子傅守中校勘

壽櫟廬弟子吳鋌再校

儀禮圖末篇下終